

<b>Miinotwaawin</b>	Iwe miinotwaawin ijigaade netaawiging gemaa awesi da-ani-maamiinotwaa bakaan ginwezh endazhiiked ani-aanjisening.
<b>Giizhigaang</b>	Giizhigaang ezhi-ayaamagag bebakaan noodinan ogijaya'ii akiing ayaamagadoon. Noodin gidizhi-gikendaanaadog. Gegaa 100 km ishpiming giizhigong ayaamagad, ini Nitrogen zhiigwa Noodin.
<b>Begishkaamagakin</b>	Aanind gegoon bigishkaamagadoon, mii o'o gegoon bemaadakin obigishkinaanaawaan gemaa aaniin ayizhiwebak. Daabishkoo mazina'iganan, ishkonjiganan, zhiigwa netaawigingin.
<b>Bagidinaamowin Noodin (CO<sub>2</sub>)</b>	Iwe Carbon dioxide (CO <sub>2</sub> izhibii'igaadeg) noodiniwan ishpiming giizhigong izhaamagag ji-ani-giizhowayaak aki. Miziwekamig, zaagishkaamagad iwe nibowaad awesiwag gemaa netaawigingin. Niibowa gaye gibagidinaamin iwe carbond dioxide zagaka'amang misan zhiigwa akakanzhe, waasigani-bimide dago noodiniwangin.
<b>Wijitoowin Noodinan Giizhigaang</b>	Aaniin minik wijitoowin owe carbon dioxide (zhiigwa miinawaa aanind) ishpiming ji-izhaamagag giizhigaang apii boodaweyan (ini abizigeyan, waasikonenjigan, bimibizowin).
<b>Wiikonjigemagakin</b>	Iniwen gaa-wiikonjigemagakin carbon gaa-ijigaadeg, ginwezh gichiiwise imaa. Bagwadakamig, gichigamiin, mashkiigoon, mii dino wiikondamowaad bagidinaamowin.
<b>Agizhiwebak</b>	Aaniin ayizhiwebak, aaniin eni-aa'aanjiseg ginwezh gaa-izhiwebak miziwekamig. Ezhiwebak wiin aaniin ayizhi-ayaamagag agwajing endaso-giizhig, gimiwang, zoongipong gaye.
<b>Meshkwajiseg Agizhiwebak</b>	Ani-aa'aanjise aaniin eni-ayizhiwebak ginwezh, mii o'o bagidinaamowin carbon gaa-izhaamagag gizhigaang. Wiin igo daa-nishike-izhise, aaniin idash endoodamowaad bemaadiziwaad wiiji'itoonaawaa' owe ezhisening.
<b>Waawijiiwesemagag Gechiwaag</b>	Gegoon bemaadakin (daashkoo netaawigingin, awesiwag, bemaadakin) gegoon bemaadasing (asiniig, noodin zhiigwa nibi) waawijiiwesemagadoon. Miziwekamig wiijiwesewan gegoon, agaasing gigitigaan gemaa gichigami.
<b>Maajiiyaabategin</b>	Mii gegoon onji ezhi-maajiiyaabategin ini noodinan miziwekamig. Ani-meshkwaji-ayizhiwebak, mii ini noodinan miziwe izhi maajiiyaabategin akiing.
<b>Mamaajiiwin</b>	Mamaajiiwin gigashkitoon ji-anokiyan – giizizekwewin, mamaajiiin, ombigin gemaa aanjisewin gegoon izhi, aaniin gaa-waasikoneg abizigemagag.
<b>Nooginigaadeg Mamaajiiwin</b>	Ginooginaan mamaajiiwin apii minik gegoon aabajitoosiwan ji-anokiimagak. Daabishkoo, aatawebijigeyan jibwaa maajaayan.
<b>Mamaajiiwin Webinanziwan</b>	Gegoon aabajitoowan ji-webinanziwan mamaajiiwin. Daabishkoo, opikwaajiiin bangii eta waasigan aabadak aanawi aanind mii bezhigwan enanokiimagakin.
<b>Jaagizigaadegin Getewangin</b>	Gegoon getewangin jaagizigaadewan onji gegoon gete gaa-gii-bi-ayaamagakin. Anaamakiing mikigaadewan, waasigani-bimiden, akakanzhen, aabadadoon ji-jaagizigaadegin.
<b>Miziwekamig Eni-gizhideg</b>	Ani-ishpiseg aaniin epiichi-gizhideg, mii ini noodinan ishpiming giizhigaang ani-giikisewan bemaadiziwaad odoojigewiniwaan.
<b>Abizigewin Giizhigaang Onji</b>	Gaa-gibichisegin noodinan giizhigaang, mii wenji-abideg aki bemaadiziwaad, awesiwag, netaawigingin gaye ji-bimaadakin. Aanind bemaadiziwaad endoodamowaad daabishkoo bashkoda'igewaad, jaagizamowaad ini gaa-getewanging, gibichisewan giizhigaang. Mii dash ani-giikise gaa-epiichi-gizhideg omaa akiing.
<b>Abizigewin Giizhigaang Noodinan</b>	Mii ini gaa-wiijitoomagakin nawach ji-abideg aki, wenji-gizhideg onji giizisong, gibichise ji-abideg aki. Daabishkoo ini noodinan gaa-babaamaasingin (daabishkoo ondeg nibi, bagidanaamowin, methane zhiigwa nitrous oxide), bemaadizid wezhitood gaye.
<b>Izhichigewaajin</b>	Bemaadizid netaa-ayizhichigejin babimaadiziwaad. Naanigoding zanagad ji-meshwajitwaad, aako-anokaadamang idash, gidaa-meshkwajitwaamin, nawach ji-minoseg ge-ayendiyang.
<b>Webinigewaki</b>	Mii imaa webinigaadegin gegoon webinigewakiing, nitaa-ningwa'igem imaa.
<b>Methane</b>	Iwe noodin Methane gaa-ijigaadeg onjisemagad onji jaagizigaadegin gegoon getewangin. Awesiwag, bemaadiziwaad gaye wiijitoonaawaa' boogidiwaad, begadewaad, abooshe webinigewakiing onjisemagadoon.
<b>Ji-naniizaanasinog</b>	Gegoon izhichigeng nawach gegoon ji-naniizaanasinog. Daabishkoo, nawach bangii jaagizaman getewangin gegoon ji-ani-abidesinog aki, mii ji-naniizaanasinog.
<b>Noodini-jaagizigan</b>	Iwe noodini-jaagizigan, aabadad ji-giizizekweng gemaa ji-abidegin waakaa'iganan. Gegoon ji-gaagiikisesinogin, mii iwe gegoon maajiiyaabategin zhiigwa gegoon gaa-odaapinigemagakin iniwen noodinan.
<b>Gegoon Ji-gaagiikisesinogin</b>	Gegoon ji-gaagiikisesinogin, mii iwe gegoon maajiiyaabategin zhiigwa gegoon gaa-odaapinigemagakin iniwen noodinan.
<b>Nitrous Oxide</b>	Iwe Nitrous Oxide gaa-ijigaadeg ayaamagad miziwekamig. Gagaana iwe noodin maajiiyaabategin giizhigaang onjise gitigeng, jaagizigaadeg getewangin gegoon zhiigwa aabadak gegoon babaamaashkaawin.
<b>Noodin</b>	Gaawiin waabanjigaadesinon noodin. Wiiji'iwese awiya babagidinaamod gemaa gegoon jaagizigaadeg.
<b>Paris Onashowewin</b>	Iwe Paris Onashowewin miziwekamig gii-onji-onachigaade. Mii o'o ji-nooginigaadeg aaniin minik maajiiyaabatowin noodinan ji-meshkwajisesinog aki ji-ani-abidesinog.
<b>Bichiboowin Noodining</b>	Ani-bichiboomagad noodining apii aanind gegoon maajiiyaabategin izhi-giizhigaang. Daa-naniizaanise gechiwaag ningoji, bemaadiziwaad omino-ayaawiniwaan, zhiigwa gegoon bemaadakin.
<b>Giitwaam Aabadak</b>	Giitwaam aabadadoon gegoon gaa-maawandoonigaadegin, webiniganan gaye, mii oshki-ozhichigaadewan gegoon imaa onji. Gegoon ani-wiijiwese ginwezh daabishkoo awesi, netaawigingin gegoon ji-ani-wiijiwese imaa eni-meshkwajisenig.
<b>Baashkinede</b>	Niswewig gegoon onjise nibi: nibiiwang, mikom zhiigwa baashkinedeg. Eni-gizhideg aki, awashime nibi baashkinedewang onjise onji akiing, mii ani-giikise minik nibi eyaamagag giizhigaang. Mii iwe maawanj giikitood ani-gizhideg aki.
<b>Ezhiwebak</b>	Gikendaagwad aaniin ayizhiwebak ningoji endaso-giizhig, daabishkoo epiichi-gizhideg, ningokwag zhiigwa gimiwang. Ginwezh ayizhiseg, aaniin ayizhiwebak gii-gikendaagwad aaniin ezhi-ezhiwebak gechiwaag ningoji.

**Sources:**

- [Summary for Policymakers report](https://www.ipcc.ch/sr15/chapter/glossary/)
- <https://www.nrdc.org/stories/greenhouse-effect-101#gases>
- [https://www.eea.europa.eu/help/glossary#c4=10&c0=all&b\\_start=0](https://www.eea.europa.eu/help/glossary#c4=10&c0=all&b_start=0)
- <https://kids.britannica.com/>
- <https://climatekids.nasa.gov/weather-climate/>
- <https://www.acs.org/content/acs/en.html>
- [https://ec.europa.eu/clima/policies/f-gas\\_en](https://ec.europa.eu/clima/policies/f-gas_en)
- <https://ozonewatch.gsfc.nasa.gov/facts/>
- <https://www.neefusa.org/weather-and-climate/climate-change/principal-greenhouse-gases-and-their-sources>